

丁亥元賜諡曰忠穆。 忠定王諱 蒙古諱迷思監朵兒只忠惠王庶子曰禧妃尹氏忠穆王四年四月封慶昌府院君十二月忠穆王薨德寧公主命德成府院君奇輦政丞王煦攝行征東省事。 丙子遣護軍申元甫如元告哀。 己卯王煦等遣李齊賢如元上表曰： "聖明在上曲丕冒之恩誠敬由中可格居高之鑑。 恭惟皇帝陛下繼天立極巨地稱王視遠聽聰察庶邦之情願仁滂施厚令品物以生成邊境又安臣隣悅服。 伏念王氏自五代而為國遇元朝而作臣列聖嘉內附之功累世被東漸之澤及嗣王之不祿愧陪臣之匪材。 一國違違惟恐人心之無係百寮拳拳 聞侯命之有歸。 竊惟本國自太祖聖武皇帝以來舉國臣服而忠烈王尚世祖皇帝之女忽禿 烈迷實公主生益知禮不花忠宣王忠宣王生阿剌訥 失里忠肅王忠肅王生普塔失里王尚亦憐真班公主而生一子八思麻朵兒赤是為先國王乃於近日得疾而薨舉國哀慟王年幼無後而本國隣於日本不庭之邦不可一日而無主。 今有王祺普塔實里王之母弟已嘗入侍天庭年十九歲王 普塔實里王之庶子見在本國年十一歲伏望陛下簡在帝心以從民望特降德音於繼繼得承制命以安邊則陪臣等敢不小舒戀主之憂益著勤王之節。" ○(己丑)元年春二月甲戌前知都僉議事崔濡來自元帝命忠惠王庶子 入朝慶陽府院君盧 前判三司事孫守卿前贊成事李君 閔評尹時遇崔濡等奉 如元臺* {諫}典法官會議欲沮其行不得。 丙戌遣安集別監于諸道。 丁亥判密直司事薛玄固卒。 三月丁酉葬忠穆王于陵。 壬寅政丞王煦如元賀聖節。 甲辰遣上護軍趙得珪如元獻龍席及竹 。 乙巳日有五色重輪相貫。 庚申下羅州牧使韓光漢知古阜郡事朴顯于監察司驗治贓罪光漢* {斂}民布百匹米二十餘石魚 等物不可勝計顯受盜所賂布千五百端馬一匹。 夏四月己丑雨雹。 五月戊戌帝命元子 嗣王位。 丁未會議贊成致仕柳暉卒。 六月戊辰王命鐵城君李君 聽斷國務。 丙子化平君金光輦卒。 秋七月辛卯母后公主兩殿及皇后母李氏令義城德泉兩舍供膳。 癸巳政丞王煦卒。 癸卯月城君李 卒。 甲辰杖流前密直金敬直于島貶前密直李承老為宣州勾當前代言尹澤為光陽監務。 丙辰王至自元帝遣翰林學士雙哥護行雙哥授國印于王是日王即位于康安殿。 閏月癸亥王與德寧公主宴雙哥于延慶宮。 丁卯以鐵城君李君 驪興君閔思平代言洪峻提調政房。 己巳以盧 為僉議政丞慶陽府院大君； 孫守卿為推誠宣力翊戴定遠功臣判三司事義昌府院君； 李君 為推誠守義同德贊化功臣都僉議贊成事； 尹莘係為都僉議贊成事； 孫洪亮為推誠保節佐理功臣都僉議贊成事； 金仁浩為純誠翊贊保理功臣都僉議理； 閔思平為輪誠秉義 贊功臣都僉議 理； 黃石奇為都僉議 理； 李謙為都僉議 理商議； 金那海為推誠翊戴功臣三司右使； 尹安淑為推誠佐理功臣三司左使； 陳斯文為政堂文學； 李權知都僉議事； 劉革檢校僉議評理平壤尹； 李公遂判密直司事； 李峴為密直司使； 黃河衍知密直司事； 柳之浞韓大淳韓仲禮同知密直司事； 尹佺金用謙黃順為密直副使； 崔濡為誠勤翊戴 贊保定功臣鸞城君； 尹時遇為純誠 德贊理功臣杞城君； 洪峻為密直司知中事； 李春富崔源為右左代言； 尹仁貴尹時彥為右左副代言； 吳子淳為典理判書； 盧永吉為版圖判書。 丁丑咸陽府院君朴忠佐卒。 己卯遼王遣使享王及德寧公主。 帝復以脫脫為右丞相遣中書省宣使 忽 直省舍人定先等來頒詔王出迎于迎賓館。 八月辛丑德寧公主享王。 癸卯元遣使求 油于濟州。 甲辰罷整治都監。 乙卯以盧 為右政丞； 孫守卿為左政丞； 尹安淑為贊成事； 崔天澤為三司左使； 趙瑜知都僉議事； 李堅同知密直司事商議； 洪法莊吳子淳為密直副使； 尹桓為輪誠亮節宣力保理功臣漆源府院君； 尹莘係為誠勤 贊佐命功臣鳳城君； 黃石奇為檜山君； 李謙為春城君； 尹 為純誠輔理翊衛功臣鈐原君； 康之衍為信原君； 辛孟為寧城君； 印暉為誠勤贊理功臣陽原君； 辛唐係丘天祐尹仁貴 為典理判書； 金光祚為軍簿判書； 康允暉李英遠為叛圖判書。 丁巳辛癸安王夫人第。 是月立王母禧妃府曰慶順。 九月庚申遣贊成事李君 如元謝襲位。 甲戌元遣使來推太史府田民兼刷御馬。 戊寅醴泉府院君權漢功卒。 冬十月戊子朔盧 罷以孫守卿為右政丞李君 為左政丞孫洪亮判三司事廉悌臣許伯為贊成事柳濯陳斯文為都僉議 理李公遂為政堂文學黃河衍判密直司事趙雙重金龜年為密直副使崔源為開城尹洪峻為密直提學郭*은為知中事李春富尹時彥為右左代言李培中閔 為右左副代言。 丁酉以*孫守卿(孫守卿)閔思平尹時遇李培中提調政房。 癸丑親設靈寶道場于康安殿。 分遣察訪別監于諸道。 ○(庚寅)二年春正月庚午王以父王忌日如神孝寺。 庚辰曲宴師傅商議閔思平侍學申德隣安吉祥奉質孫桂。 二月倭寇固城竹林江濟合浦千戶崔禪都領梁瑄等戰破之斬獲三百餘級倭寇之侵始此。 壬辰以持平崔龍生為慶尚道按廉使龍生疾宦寺恃寵上國流毒東民 其惡以示國人御香使宦者朱完之帖木兒訴龍生于王及公主以金有謙代之。 遣權謙吳子淳如元賀聖節。 壬寅親設倭賊祈禳法席于延慶宮。 三月乙丑雲南王遣使來。 庚辰以延城君李權為慶尚全羅道都指揮使僉議 理柳濯為全羅楊廣道都巡問使以備倭。 夏四月戊戌雨雹大如李梅殺禾。 倭船百餘 寇順天府掠南原求禮靈光長興漕船。 五月丙辰元遣使頒赦王出迎于迎賓館。 己未王宴元使。 乙亥以尹時遇為都僉議； 崔濡趙瑜為 理； 崔天澤知都僉議事； 姜得龍為三司左使； 韓仲禮為政堂文學； 韓大淳判密直司事； 尹佺李堅黃順 知密直司事； 吳子淳金龜年同知密直司事； 洪瑜金承漢金尙璘李春富高忠 為密直副使； 郭*은為密直提學； 尹時彥為知中事； 李居敬為左代言； 尹陟孫得壽為右左副代言。 庚辰倭船六十六 寇順天府我兵追獲一 斬十三級。 六月丁酉倭船二十 寇合浦焚其營及固城會原諸郡。 辛丑倭寇長興府安壤鄉。 秋七月庚申王以聖甲辛旻天寺行香。 九月癸丑朔以李凌幹為川寧府院君； 金光載為三司右使； 孫洪亮為福川府院君； 李台賣為星山君； 陳斯文為昌陽君； 韓仲禮為繼城君； 朴延俊為清原君。 己未德寧公主如元王錢于金郊。 乙丑遣蘇復別監于諸道。 冬十月庚寅親設靈寶道場于康安殿。 十一月壬子朔日食。 己巳倭寇萊郡。 十二月甲申遣贊成事廉悌臣前贊成事尹莘係如元賀正。 ○(辛卯)三年春正月辛亥贊成事李毅卒。 二月壬午 忠穆王于太廟。 三月乙卯辛廣明寺醮三界。 秋八月丙戌倭船一百三十 寇紫燕三木二島焚廬舍殆盡。 戊子遣萬戶元顯于西北面令萬戶印 前密直李權屯西江以備。 己丑倭又寇南陽府雙阜縣。 癸巳又命印 等入海捕倭李權還白王曰： "臣非將又不食祿不敢奉命固辭不行。" 丙申以金那海判三司事； 柳濯金仁浩為贊成事； 權適崔天澤趙瑜為 理； 金光載姜得龍為三司右左使； 韓大淳知都僉議事； 李珍知都僉議商議； 郭*은為密直提學監察大夫； 李成瑞高董士為密直副使。 冬十月壬午元以江陵大君祺為國王遣斷事官完者不花封諸倉庫宮室收國璽以歸王遜于江華恭愍王元年三月辛亥遇 薨在位三年壽十四葬聽陵恭愍王十六年正月丁亥元賜諡忠定。 嘗夜王與近侍相戲謔達曙或以墨灑侍學官衣或有近女而行者便生妬心雖宰相至見撞擊往往以鐵椎擊人幾死或於冬月取 雪水和凍飯食人狂悖類此。 史臣贊曰： "忠穆忠定皆以幼 即位德寧禧妃以母之尊用事於內奸臣外戚用事於外二君雖有穎悟之資何能為哉?且當忠定之時江陵君親為叔父得國人之心又有上國之援諸尹不此之顧朋比逞欲釀成禍胎卒使王不幸遇 悲夫。" 世家卷第三十七。